



## **Universitätsbibliothek Paderborn**

**Dissertationes Juridico-Theologicæ De Jure, & Justitia**

**Karchne, Simon**

**Augustæ Vindelicorum ; [Graz], 1714**

§. II. Quæ sit differentia contractus emphyteutica á contractu consitico &  
an hic usurarius?

**urn:nbn:de:hbz:466:1-40013**

## S. II.

*Quæ sit differentia contractū Emphyteutici à censitico,  
Et an hic usurarius.*

154. **A**ntequam Respondeatur ad quæ-  
stionem §. explicanda est pri-  
mò significatio vocis *census*, deinde quid  
& quotuplex sit *census*.

Census sumitur primò pro estimatio-  
ne patrimonij facta ex fine annum tribu-  
tum exigendi, de hoc est Titulus 15. li-  
ibri 50. Digestorum, ejus discussio est ju-  
ris publici. Secundò pro tributo solven-  
do in recognitionem subjectionis vel alte-  
rius jurisdictionis.

Hic sumitur pro jure percipiendi an-  
nuam pensionem ex re, vel persona al-  
terius. Habens tale jus dicitur *Censuali-  
sa*, vel *creditor*, pensionem solvens vo-  
carur *Censuarium*, aut *debitor*.

Census aliis est *realis*, alias perso-  
nalis. *Realis* est, cum res aliqua imme-  
diata obligatur ad certam pensionem, ut  
si quis rem suam nempe fundum in alte-  
rum transferat cum pleno Dominio refer-  
vata sibi annua pensione ex eodem fun-  
do, dicitur *census reservativus*, idque  
fieri potest vel sine intervenitu emptionis,  
quo casu inquit Haunold. tract. 10. n. 291.  
est contractus innominatus, do ut des,  
vel cum venditione, ut si rem tuam ven-  
das reservando tibi aliquam ex ea pensio-  
nem, vel donatione facta pari reservatio-  
ne, aut si titulo transactionis ad item di-

rimendam des fundum, sed vicissim cer-  
tus annuatim persolvatur.

Si autem nullum Dominium etiam  
utile rei tuæ in alterum transfers, consti-  
tuistamen, seu designas alteri jus ex re  
tua annuos redditus percipiendi, eosque  
vel certos, nempe indeterminata pecu-  
niæ summa, aut certa fructuum taensu-  
ra; vel incertos, ut cum indeterminata  
E. g. tertia, aut quinta pars fructuum per-  
solvenda constituitur, cuiusmodi census  
vocatur consignativus *realis*, solerque ta-  
le jus frequentius emi pecuniâ, estque spe-  
nes emptionis, quando v. g. mille flore-  
nis emo jus percipiendi annuatim ex tuo  
fundo decem mensuras frumenti: unde  
comitatur rem ad quemcunque possesto-  
rem perveniat, donec redimatur census  
si sit redimibilis.

Prater consignativum *realem* datur  
census personalis seu designatus super cer-  
ta persona obligante se ad annuam pensio-  
nem sine ordine ad ullam rem, ex qua  
pensione persolvatur.

Censem *realem* *reservativum*,  
quam consignativum non esse usuratum,  
sed licitum est recepta sententia inter  
Theologos, & Juristas communiter con-  
tra Henricum quodlib. 8. q. 23. &c. apud  
Lugo Disput. 27. n. 13. ac in plurimum

Pon-

U 3

Pontificum Bullis radicata; quam etiam  
n. 20. amplectitur ex ratione singulare ab  
coadventa, sed difficile ut ostendit Hau-  
nold. num. 301.

Communis, ac solidior ratio ap-  
probata ab Haunold. n. 302, est ista,  
quod in hoc contractu ematur jus perci-  
piendi fructus, aut pecuniam ex re frugi-  
fera, quod jus relatè ad tempus indefini-  
tum, etsi se extendat ad fructus, qui tan-  
dem longe superarent, simul existentes,  
premium, quo fundus emptus est, quia  
ramen simul non existunt, sed successivè  
sperandi sunt, sit, ut hæc spes pluribus  
affectu periculis (puta amissionis censùs  
re pereunte, aut redditâ infructuosâ, &c.  
ac incommodis, in aestimatione plus non  
valeat, quam tale premium. Res ergo,  
quaë emitus in censu reali non est fructus  
collectivè, seu cumulus omnium fru-  
ctuum percipiendorum, sed jus reale,  
quod non aestimatur tanti, quanti aesti-  
marentur fructus simul existentes.

Econtra, cum in censu personali (i-  
ta arguit Haunold. n. 306.) nullum jus  
reale ematur, ut liquet ex ejus proximè  
allata expositione, ideo ut veriorem se-  
quitur opinionem Molin. de just. D. 387.  
n. 4. Lugo n. 25. contra Pal. Dicastil. de  
just lib. 2. tratt. 11. Disp. unic. à n. 43.  
cum aliis multis ejusmodi emptionem cen-  
sus personalis esse usurariam, nempe si e-  
mitur ad certum tempus, intra quod pen-  
sionum cumulus superaret premium E. g. si  
emerem centum florenis jus percipiendi  
quotannis quinque florenos per annos 30.  
sic enim intra 30. annos acciperem loco  
centum 150. hoc autem esse usurariatum  
probatur quod emere florenis centum jus ad  
pensiones 30. annorum sit formalissimè  
idem, ac emere ipsas pensiones successi-

ve solvendas per modum unius cumuli  
consideratas (cum nullum jus reale, vi  
in censu reali distinctum à pensionibus e-  
matur) sicut emere jus ad equum est for-  
malissimè idem, ac emere ipsum equum  
secundum omnes, sed centum florenis e-  
mere pensiones valentes 150. est usura,  
dum abest omnis alius titulus, ut faten-  
tur universi, cum sic pro sola temporis  
mora debitor deberet aliquid solvere.

Dicit hæc sententia tempus certum,  
quia emptio census personalis ad incertum  
tempus, intra quod emptori potest æque  
afferri damnum, ac lucrum cum sit for-  
tunæ expositæ, sicut ludus, cum tali peri-  
culo potest certo pretio taxari; nec ob-  
stat, quod talis contractus possit esse oc-  
casio insidiandi alterius vitæ, exinde e-  
nim non sequitur jure naturæ esse nul-  
lum, cum non sit proximum periculum,

Verum cum non appareat solida di-  
sparitas inter emptionem census realis ab  
emptione census personalis, cum etiam  
in bujus emptione ematur jus ad rem an-  
nuatim percipiendi aliud ex lucris, quæ  
cenfuaris suâ industria acquirit, proin-  
de eadem ratio justificans emptionem cen-  
sus realis justificat emptionem census per-  
sonalis, licet ematur pretio minore,  
quam sint pensiones futuro tempore sol-  
venda, cum non hæc, sed jus ad eas ema-  
tur, econtra dum equus emitur, res empta  
non est quid distinctum ab equo: spe-  
ciale igitur jure naturali sententia affirma-  
tiva etiam ad tempus incertum est valde  
probabilis, *naturali inquam*, quia de  
jure positivo post Bullam Pij V. in locis u-  
bi hæc est recepta nullus census valet nisi  
constitutus in re immobili frugifera.

Dices generatim contra omnes cen-  
sus, quod in eorum venditione, & em-  
ptione

ptione interveniat mutuum virtuale, seu quasi mutuum, in re enim perinde est emere pro centum florenis annum censem s. florenorum, ac mutuos dare centum sub lucro s. quotannis recipiendorum, utробique enim manet Salva fors, seu capitallis summa, in quo est palliata usura. *Resp.* Negando assumptum cum sua probatione, est enim dispar ratio inter censem, & mutuum, quia in censi emitur jus ad fructus ex re, vel persona, secus in mutuo, sed fit gratis, censuarius vi contractus ( secluso pacto redimendi ad arbitrium emptoris prohibito à Pio V. nisi censuarius sponte velit redimere ) non tenetur reddere sortem, secus censuarius. Ex his constat negativa responsio ad quæst. secundam §.

155. *Resp.* Nunc ad quæstionem 1. §. multipliciter Emphyteusim differre à censi. Primo quod Dominium tam directum, quam utile sit penes censuariū non penes censualistam, cui debetur pensio, econtra in Emphyteusi Dominium directum est penes illum, cui debetur pensio, seu quod idem est, Emphyteuta solvit nobis canonem ex re adhuc nostra, censitus verò solvit censem ex re sua. Secundò quod Emphyteuta si bienio ex Ecclesiastica triennio autem ex sæculari Emphyteusi non solvat canonem, incidat in commissum, id est, priva-

tur Emphyteusi, secus censuariū, hic enim remanet Dominus, loco tamen pœna adstringitur ad intereste tantum, seu ad solvendas restantes pensiones *Cap. 6. de Religiosis domibus.* Tertiò quod Emphyteuta Domino inscio nequeat vendere rem Emphyteuticam, censuariū autem possit rem censi affectam non requisito censualistā. Quartò à morte Emphyteutæ vel in alienatione rei Emphyteuticæ est renovanda investitura, consequenter Dominus directus recognoscendus solutione laudemij, non sic in bonis censiticis *L. fin. cod. de jure Emphyteutico.*

Sed dic quomodo dignoscendus contractus, sitne Emphyteuticus, aut censiticus? omnium primò inspiciendas esse litteras contractus. Secundò reliquos effectus, præstationes, quibus inter se hic contractus juxta dicta differunt. Tertiò est attendenda loci consuetudo. Ex hoc enim est conjecturandum pro alteru-  
ro; in dubio verò quod est minimum, sequimur, proinde interpretamur fuisse censiticum, quia sic res facilius ad natu-ram suam revertitur. Rectius sentit Laym. *L. 3. tract. 4. c. 22. n. 3.* censem dum talem, qualis eo in loco solet fre-quentari. *L. semper in stipulationibus ff. de reg. jur.*



### §. III.